

30 Décembre 1651

Arrest de la Cour de Parlement  
Donné Contre le Cardinal Mazarin

7 pp

M. 305







# ARREST

DE LA COUR

DE PARLEMENT

Donné contre le Cardinal Mazarin.

*Publié le trentième Decembre mil six cens cinquante -vn.*



A PARIS,

Par les Imprimeurs & Libraires ordinaires  
du Roy.

---

M. DC. LI.

*Avec Privilege de sa Majesté.*



A R R E S T

DE LA COUR

DE PARLEMENT

Donné contre le Cardinal Mazarin.

Publié le treizième Décembre mil six cents cinquante - six.



A P A R I S

Par les Imprimeurs & Libraires ordinaires  
du Roy.

M. DC. LI.

Avec Privilege de Sa Majesté.





ARREST DE LA COVR DE PARLEMENT  
contre le Cardinal Mazarin.

EXTRACT DES REGISTRES  
de Parlement.



E jour la Cour toutes les Chambres  
assemblées, Monsieur le Duc d'Orléans y estant, Apres auoir veu, pré-  
sents les Gens du Roy, la Lettre de  
cachet dudit Seigneur Roy donnée à Poitiers le  
21. de ce mois d'Avril, contenue au registre de ce  
jour; & lecture faite de la Declaration verifiée en  
la Cour le 6. Septembre dernier, portant entre au-  
tres choses, très-expresses inhibitions & defences  
au Cardinal Mazarin, ses parens, alliez & do-  
mestiques estrangers, sous quelque pretexte,  
cause, employ, alliance ou occasion que ce soit,  
de rentrer dans le Royaume, pays & terres de  
l'obéissance du Roy, ou estans sous sa protec-  
tion, à peine d'estre declarez criminels de leze-  
Majesté, & perturbateurs du repos public; &  
à tous Gouverneurs de Prouinces & Places,  
Lieutenants, Baillifs, Seneschaux, Capitaines,



Chefs & Conducteurs de gens de guerre, Preuosts des Mareschaux, Maires & Escheuins des Villes, & autres Officiers & Sujets dudit Seigneur Roy, de luy donner retraite; ny entretenir aucun commerce avec luy, par lettres, enuoy de Courriers ou autrement, & aux Generaux d'armées de le receuoir dans leurs troupes, & à toutes personnes de luy enuoyer ou à aucuns de ses parens, alliez, domestiques, ou autres qu'il auroient suiuy directement ou indirectement, aucuns deniers sous quelque pretexte que ce soit, aux peines portées par les Ordonnances; & que les Arrests de ladite Cour des 7. & 9. Feurier, 11. Mars, deux & huietieme Aoust derniers, ensemble ceux des autres Parlements, donnez contre ledit Cardinal Mazarin, seroient executez. Et apres que ledit sieur Duc d'Orleans a dit, auoir aduis certain que ledit Cardinal Mazarin estoit à Sedan contre les termes de ladite Declaration & desdits Arrests, lesdits Gens du Roy retirez, & depuis rentrez & ouys en leurs Conclusions, La matiere mise en deliberation, L A D I T E C O V R a arresté & ordonné, Que les Deputez d'icelle en execution des Arrests des treize & vingtieme de ce mois, partiront incessamment, & iront trouuer le Roy, à l'effect de remercier ledit Seigneur des nouvelles assurences qu'il luy plaist donner, portées par ladite Lettre de cachet, Mesmes pour executer ledit Arrest du treiziesme de ce mois,



ce mois, Et qu'il sera escrit de la part de ladite Cour à Monsieur le Premier President, pour appuyer près ledit Seigneur Roy, les deliberations & Arrests d'icelle Cour. Et apres les assurances dudit sieur Duc d'Orleans, des aduis à luy donnez de l'entrée dudit Cardinal Mazarin dedás Sedan, au prejudice des defences portées par ladite Declaration du Roy, **A D E C L A R E** & declare, les peines portées par icelle Declaration, encouruës; Ce faisant ledit Cardinal & ses adherans, criminels de leze Majesté, & perturbateurs du repos public: Enjoint aux Communes leur courir sus, & aux Maires & Escheuins des Villes, de s'opposer à leur passage: Ordonne que sur la Bibliotheque & meubles dudit Cardinal Mazarin, qui seront vendus, & reuenus de ses Benefices, & autres biens qui se trouueront luy appartenir en France, & à ceux qui l'assistent; il sera par preference, & nonobstant toutes faïsses, oppositions & appellations, pris la somme de cent cinquante mil liures, laquelle sera donnée à celuy ou ceux qui representeront ledit Cardinal à Iustice, mort ou vif, ou à leurs heritiers. Et si celuy qui le representera se trouue preuenü de crime, sera le Roy tres-humblemēt supplié, octroyer pardon, pourueu que ce ne soit crime de leze Majesté. Et seront lesdites Declarations & Arrests, executez selon leur forme & teneur. Declare aussi les Of-



ficiers du Roy & Gouverneurs des Placés qui se trouueront auoir fauorisé le passage dudit Cardinal, & l'auoir escorté de leurs personnes ou de leurs troupes, pareillement criminels de leze Majesté, descheus de toutes Charges & Gouvernemens, mesmes des priuileges de Noblesse, conformément à ladite Declaration & audits Arrests. Et fera ledit Sieur Duc d'Orleans prié par la Cour, d'employer l'autorité du Roy & la sienne pour l'exécution de ladite Declaration & desdits Arrests. Ordonne en outre, que les Conseillers commis & autres, serōt enuoyez es Prouinces & lieux que besoin sera pour l'exécution du present Arrest, duquel sera donné aduis aux autres Parlemens; Et iceluy leu, publié & affiché par tout où besoin sera, à ce qu'aucun n'en pretende cause d'ignorance. FAIT en Parlement le vingt-neufième Decembre mil six cens cinquante-vn.

Signé, DV TILLET.

**L**E Vendredy 30. Decembre 1651. l'Arrest cy-dessus de Nosseigneurs de la Cour de Parlement a esté leu & publié a son de trompe & cry public, en tous les Carrefours ordinaires & extraordinaires, places & lieux accoustuméz à faire cry & proclamations en cette Ville & Faux-bourgs de Paris, par moy Charles



*Canto Juré Crieur ordinaire du Roy en la Ville,  
Prévosté & Vicomté de Paris; faisant laquelle  
publication, i'estois accompagné de trois Trom-  
pettes, Jean du Bos, Jacques le Frain, Iurez  
Trompettes de sa Majesté esdits lieux, & un  
autre Trompette commis.*

*Signé, CANTO.*

Collationné à l'Original par moy Conseiller  
Secretaire du Roy, Maison Couronne de  
France & de ses Finances.



CAVITO

Original per my Contoller  
Maitland du Roy, Admiron Contonne de  
France, le 15 Mars







